



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ervditione Religiosorvm

Humbertus <de Romanis>

Ingolstadii, 1591

VD16 H 5888

5. Bona temporalia, spiritualium sunt impedimenta.

[urn:nbn:de:hbz:466:1-50980](#)

sap. 5.

Pro. 11.

*Concione 3.
in Psal. 30.
paulo à fi-
ne.*

cium iacet, si nauem ferat ventus. At illa cœlestis regio per triginta annos velocissimo fideri viam præstat. Modica est bonitas temporalium rerum respectu futurorum bonorum. Vmbræ enim sunt potius verorum bonorum; quām vera bona. Omnia transierunt velut vmbra. Signum modicæ bonitatis eorum est, quod Deus dat ea, & amicis suis, & inimicis. Communia enim sunt & bonis & malis: & plus habent inde mali quām boni. Possessores suos non faciunt bonos: imò frequenter vel malos faciunt, vel malitiam augent, vel in ea detinent. Pluribus nocent quām profundunt. Usquequo stulti quæ sibi sunt noxia cupiēt? Amatores suos inquinant: tendentes ad cælum onerant. Augustinus in libro de Ciuit. Dei. Deserto bono, bonorum proprio, lapsus factus est ad bonorum minimum: non bonis proprium, sed bonis & malis commune.

*Quod bona temporalia, maiorum bonorum, vt puta
spiritualium, sint impedimenta.*

C A P V T V.

Circa impedimentum quod bona temporalia bonis spiritualibus præstant, notandum, quod oportet eum à creatura auerti, qui ad Deū vult perfectè conuerti: & terrenis euacuari, qui vult cœlestibus impleri. Augustinus super illud Psal. Diligite Dominum omnes sancti eius. Disce non diligere mundum, vt discas diligere Deum: auerte, vt conuertaris: funde, vt implearis. Sicut non coniungitur cælum terræ, imò multum distat ab ea: sic cœlestia in corde humano terrenis non

non coniunguntur. Vult Deus tanquam nobilissimus Dominus, & ad prouisionem seruorum sufficientissimus, habere seruos proprios, ab alia seruitute expeditos: qui totaliter possint eius intendere seruitio. Habituit Abraham vernaculos *Gen.14.*
Matt.6. expeditos. Nemo potest duobus Dominis seruire. Non potestis Deo seruire, & Mammonæ. Sermo Dei in pauperibus plus proficit. Sunt enim à curis liberiores: & cùm sint hic in miseria; alterius felicitatis sunt inuestigatores. Ideo Saluator *Isaia 61.*
 pauperibus euangelizare missus est. De Iudeis amantibus terrena dicitur; Non profuit eis sermo auditus. Et iuuenis habens multas possessiones, audito consilio Domini de possessionibus vendendis, abiit tristis. Semen inter spinas suffocatur. Inuitati ad nuptias excusant se, eò quòd *Heb.4*
Matth.19. sunt negotiis terrenis impediti. Abudantia temporalium & obliuio Dei frequenter se comitantur. Effraim & Manasse fratres fuerunt. Effraim fructificans interpretatur, Manasse obliuio, quia proficientes in temporalibus, Deum solent obliuisci. Caeue ne cùm dederit tibi Dominus vrbes & oppida, cunctarumq; opum copiam, obliuiscaris Domini Dei tui. Pincerna Pharaonis in prosperitate constitutus, oblitus est Ioseph interpretis sui. Expedit ei qui vult ad cœlum tendere, onus temporalium deponere. August. in libro de verbis Domini. Abiice à te diuitiarum *Deut.8.*
Gen.40. onera: abiice vincula voluntaria: abiice anxieties & tædia, quæ te annis plurimis inquietant. Hiero. Si habes in potestate tua, rem tuam vende: si non habes, proiice. Facile saluatur diuitiarum contemptor: difficile earum amator. Vnde

*Matth. 5.**Ibid. 19.**Luc. 18.**Matth. 19.**In tract. su-**per illud:**Matth. 18.**Ecce nos**reliquimus**omnia.*

pauperum spiritu dicitur esse regnū cœlorum. Diues difficile intrabit regnum cœlorum. Facilius est camelū per foramen acus transire, quām diuitem intrare in regnum cœlorum: quām difficile qui diuitias habent, intrabunt regnum cælorum. Bernardus. Fœlices exonerati, qui sequi possunt expediti. Arctissimum enim foramen nos expectat: contendamus necesse est ingredi per angustam portam. Quid tu camele gibbum: quid tu pecuniose loculos proditoris tollis? Nō sic impie, non sic ingredieris; forame acus huius sarcinas non admittit.

De veloci transitu bonorum temporalium.

CAPVT VI.

Sap. 5.

Circa velocem transitum bonorum temporalium nota, sicut appareat velox transitus fluminis, cùm consideratur stabilitas littoris: sic appareat velox transitus temporalium comparatione æternorum. Hunc velocem transitum recognoscunt superbi: qui pœnæ æternæ in inferno sunt condemnati. Transferunt omnia illa tanquam umbra, & tanquam nuncius præcurrrens, & tanquam nauis quæ pertransiit fluctuantem aquam, cuius cùm præterierit, non est vestigium inuenire, neque semitam carinæ illius in fluctibus: aut tanquam avis quæ transvolat in aëre, cuius nullum inuenitur argumentum itineris illius: aut tanquam sagitta emissa in locum destinatum; sic & nos nati continuo desuimus esse. & subditur: Spes impij tanquam lanugo est quæ à vento tollitur: & tanquam spuma gracilis quæ à procella dispergitur: & tanquam fumus, qui